

E MÖNKE VOLL PLATT

Vröher en Neesch: DÄ SCHOLLWÄÄSCH

=====

van Brand Kathrinche

Merr jenge möt ene kleene Trupp
jede Morje noo die Scholl uut em Knupp..
Dä Knupp, dat es ene Ortsdeel van Neesch,
dat es van Jroteburg bes noom Hostertswääsch.
Die Tiit woor et morjes bald immer knapp,
dröm jeng dat meistens och em Trapp;
meistens leepe merr onge duur
doo woore die Karreschpoore so deeip wie en Vuur.
Em Soomer möt Schoon, em Wenkter möt Klompe,
doomöt schloore merr os av on tu vörr die Tompe;
on woor dann dä Hemmel van enne Klomp avjejange,
dann krääsche merr tu Huus eejn jevange:
"esch soll desch wal dä Hengisch vrsoole,
sofort noo Wiesa jelooppe nöje Klompe Hoole!"
Merr koome op dä Wääsch langes die aal Scholl,
doo hammer os meistens benoome wie doll;
doo wonde Mäschich Chress on sin Famillje dren,
on dänne te ärjere, dat looch os em Senn:
merr schreide dann möt völl Tam Tam,
"am Waater lang löpt Mäschich Chress möt sin Madam!"
bes Frau Mä_schig dat hat satt,
die schprong noo dä Kaffe op dat Rad,
noo Lierer Skowronek es die schänge jejange
hät däm vrtällt, wat merr aanjevange.
En die Pause schtonge merr dann en Reih on Jlied,
eejn möt dä Knöppel op die Hank mennt dä Lierer dat woor Tiit.
Jeholpe hät dat äver ke Schpier,
denn am angere Morje songe merr et wier.

Wenn merr em Soomer van die Scholl noo Huus jenge
woore merr bloos am luure, wo merr Knöppele kosse venge:
denn die Plaatte hadde son läckere Äppel doschtonn,
kenne van os kos vorbei dodraan jonn.
Van wiijem all woote die Knöppele jeschmeete,
dann hammer os die Äppel bald uut de Häng jereete.
"Err hat doch all te Huus Äppel jenoch" menden de Lütt,
"äver kin sonn wie Plaatte!" die schmecke mesch noch hüt.

Van Plaatte uut op Huus ann jeng et an Woltisch Buud vorbeej,
doo sc htonge twei Nootebööjm en de Reih.
Wenn Wenk woor, kosse merr os dä Ärbet schpaare
van Plaatte uut die Knöppele dohin tu draare.
Dat woor öm die Nööt en Baljereej;
merr merkde jaanet, dat Woltisch Zetta aankoom on schreit:
wat makt err heej?"
Merr seite "nix! merr hant bloos jeschpellt."
"Esc_h jlööv net - sät die - wat err doo vertällt!"
merr mennde "äver no jlövt et os doch!"
"Nix doo - mennt die - Üür jrööne Quante verroone ösch doch!"
Dann jeng et noo Huus, denn dat hat jebat,
Mötter hat joo soo al möm Ääte jewatt.
So - nou es mi Blättsche voll,
dat woor die Jeschichte vam Wääsch noo die Scholl.